

漢書類方 七之三




| | |
|------|----|
| 漢書門類 | |
| 一三〇 | 一〇 |
| 二三 | 三 |
| 〇 | 〇 |
| 册 | 架 |

| | |
|------|----|
| 內閣文庫 | |
| 漢書 | 函架 |
| 一三〇 | 三 |
| 〇 | 〇 |
| 册 | 架 |

| | |
|------|-----------|
| 內閣文庫 | |
| 番號 | 漢 13010 |
| 冊數 | 120 (118) |
| 函號 | 301 64 |





之脉挟目系肝之脉連目系况手足少陽之

脉同出耳中至耳上角斜起終於目外小背

風熱之盛亦從此道來上攻頭目致偏頭腫

悶瞳子散大視物昏花血虛陰弱故也法當

養血涼血益血收火散火而除風熱則愈矣

熟地黄 壹兩 柴胡 去苗 捌錢 生地黄 宋錢半

當歸身 酒洗 黃芩 各半 天門冬 去心焙

五味子 地骨皮 黃連 各叁錢

人參 去蘆 枳殼 炒 甘草 炙各 貳錢

右為細末煉蜜丸如菉豆大每服壹百丸茶湯送下食後日貳服制之緩也大忌辛辣物助火邪及食寒冷物損其胃氣藥不上行也又一論云瞳子黑眼法於陰由食辛熱之物助火乘於胸中其睛故散睛散則視物亦大也

保命集當歸湯

治翳補益瞳子散火

黃連

柴胡

各壹錢

當歸身

黃芩

芍藥

各貳錢

熟地黄

甘草

炙各叁錢

右水煎臨卧服

濟陰地黄丸

治足三陰虧損虛火上炎致目

睛散大視物不的或昏花澀緊作痛畏明或卒見非常之處等證其功效與六味還少丹相似

五味子

麥門冬

當歸

熟地黄

肉蓯蓉

山茱萸

乾山藥

枸杞子

甘菊花

巴戟肉各等分

右為末煉蜜丸桐子大每服柒捌拾九空心白湯下

瞳神緊小 抑陽酒連散 治神水緊小漸如菜

子許及神水外圍相類蟲蝕者然皆能觀物不昏微有眵燥羞澀之證

生地黄 獨活 黃蘗

防風 知母 防已各叁分

蔓荆子 前胡 羌活

白芷 生甘艸各肆分 黃芩酒製

梔子 寒水石 黃連酒製 各伍分

水貳盞煎至壹盞去滓大熱服

右方抑陽緩陰之藥也以生地黄補腎水真陰為君獨活黃蘗知母俱益腎水為臣蔓荆子羌活防風白芷羣隊升陽之藥為佐者謂既抑之令其分而更不相犯也生甘草黃芩梔子寒水石防已黃連寒而不走之藥為使者惟欲抑之不欲祛除也酒製者為引導也

還陰救苦湯

喘鼻碧雲散 俱目赤

目昏花 羊肝丸 鎮肝明目

羯羊肝 壹具新在盆中燻了更燻之肝大也用壹半

甘菊花 羌活 栝子仁

細辛 官桂 白朮

五味子 各半兩 黃連 朱錢半

右為細末煉蜜丸如梧子大空心食前温湯

下參肆拾丸

千金補肝散 治目失明

青羊肝 壹具去膜薄切以瓦瓶子未用者入肝於中炭火炙之為極細末

蓼子 壹合麩令香

右為末食後服方寸匕日貳加至叁匕不過

壹貳劑能一歲服可夜讀細書

養肝丸 濟生 治肝血不足眼目昏花或生眵淚

當歸 酒洗 車前子 酒蒸 防風 去蘆

白芍藥 蕤仁 另研 熟地黄 酒蒸

川芎 枳實 各等分

右為末煉蜜為丸如桐子大每服柒拾丸熟

水送下不拘時 一方無川芎枳實

地黄丸 一名菊 花丸 治用力勞心肝虛風熱攻眼赤

腫羞明漸生翳膜兼肝腎風毒熱氣上衝目痛久視傷血血主肝故勤書則傷肝而目昏

肝傷則木生風而熱氣上湊目昏亦盛不宜

專服補藥當益血鎮肝而目自明矣

熟地黄 壹兩半 甘菊花 防風

光明硃砂 羌活 桂心

沒藥 各半兩 决明子 黃連 各壹兩

右為細末煉蜜丸如梧子大每服參拾丸食

後熟水下日參晉范甯嘗苦目痛就張湛求

方湛戲之曰古方宋陽子少得其術以授魯

東門伯次授左丘明遂世世相傳以及漢杜

子夏晉左太冲凡此諸賢並有目疾得此方

云省讀書一減思慮二專內視三簡外觀四

且起晚五夜早眠六凡六物熬以神火下以

氣節蘊於胸中七自然後納諸方寸修之

時近能數其日睫遠視尺筆之餘長服不已

非但明目且亦延年審如是而行非可謂之
朝戲亦奇方也

補肝湯 治肝虛兩脇滿痛筋脉拘急不得喘
息眼自昏暗面多青色

防風 去叉 細辛 去苗 栝子仁

白茯苓 去皮 官桂 去麤皮 山茱萸

蔓荆子 去浮皮 桃仁 湯浸去皮尖雙仁炒 甘草 微炒各等分

右咬咀每服伍錢水壹盞半大棗貳枚擘破
同煎至捌分溫服無時日再

雷巖丸 治男婦肝經不足風邪內乘上攻眼

睛淚出羞明怕日多見黑花翳膜遮睛瞼生

風粟或痒或痛隱澀難開兼久患偏正頭風

牽引兩目漸覺細小視物不明皆因腎水不

能既濟肝木此藥久服大補腎藏添目力

枸杞子 菊花 各貳兩 肉苁蓉

巴戟 酒浸壹宿去皮心 牛膝 各壹兩 川椒 叁兩去目

黑附子 青鹽貳錢以泔水叁升同煮水盡去皮臍

右為細末浸藥酒煮麵糊和丸梧子大每服

拾九空心酒送下
補肝丸 治眼昏暗將成内障

羌蔚子 青箱子 枸杞子

五味子 决明子 杏仁

茯苓去皮 乾地黄各壹兩 兔絲子貳兩

山藥 車前子 地骨皮焙

柏子仁 大黃 黃芩去黑心

黃連去鬚 人參 細辛

防風去叉 甘草炙各壹兩半

右為細末煉蜜丸如梧子大每服貳拾丸加
至叁拾丸食後米飲下

石决明丸 治證同上

石决明 槐子 肉苻蓉酒浸壹宿去鱗

兔絲子酒浸叁日曝乾另研為末

陽起石酒煮七日細研水飛過 熟地黄各壹兩

桂心半兩 磁石壹兩半火煨醋淬柒次細研水飛過

右為細末煉蜜和搗貳叁百杵丸如梧子大
每服貳拾丸旋加至叁拾丸食前鹽湯下

益本滋腎丸

黃蘗

去蘆皮

知母

去毛各剉碎酒洗炒各等分

右為極細末滴水丸如桐子大每服壹佰伍

拾丸空心熱湯下服後以乾物壓之

補腎丸

治腎氣不足眼目昏暗瞳人不明漸

成内障

磁石

煨醋淬米次水飛過

兔絲子

酒蒸貳次各貳兩

五味子

枸杞子

石斛

去根

熟地黄

酒蒸

覆盆子

酒浸

楮實子

菘蓉

酒浸焙

車前子

酒蒸各壹兩

沉香

青鹽

貳味另研各半兩

右為末煉蜜丸如桐子大每服柒拾丸空心

鹽湯下

六味地黄丸

八味地黄丸

並見虛勞

千金磁硃丸

石斛夜光丸

益陰腎氣丸

滋陰地黄丸

並見內障

羚羊羌活湯

治肝腎俱虛眼見黑花或作蠅

翅

羚羊角屑

羌活

黄芩去黑心

附子去皮

人參

澤瀉

秦艽去苗

山茱萸

車前子

青箱子

决明子微炒

柴胡去苗各壹兩半

黄芪貳兩

甘草微炙壹兩

每服伍錢水壹盞半煎至捌分去滓不拘時

溫服日再

菊睛丸

治肝腎不足眼昏常見黑花多淚

枸杞子叁兩

菴蓉酒浸炒

巴戟去心各壹兩

甘菊花肆兩

右為末煉蜜為丸如梧子大每服伍拾丸温

酒鹽湯食遠任下余太宰方加熟地黄貳兩

石决明丸

治肝虚血弱日久昏暗

知母焙

山藥

熟地黄焙

細辛去苗各壹兩半

石决明

五味子

兔絲子酒浸壹宿另搗為末各壹兩

右為細末煉蜜丸如桐子大每服伍拾丸空

心米飲送下

駐景丸

治肝腎虛眼昏翳

熟地黄

車前子

各叁兩

兔絲子

酒煮伍兩

為末煉蜜丸桐子大每服伍拾丸食前白茯苓石菖蒲湯任下又方加枸杞子壹兩半尤佳

加減駐景丸 治肝腎氣虛視物眈眈血少氣

多

多

多

車前子

五味子

枸杞子

各貳兩

當歸

去尾

熟地黄

各伍兩

楮實

無藥者不用

川椒

炒

各壹兩

兔絲子

酒煮焙

半斤

右為細末蜜水煮糊丸如桐子大每服叁拾

丸空心温酒送下鹽湯亦可

白附子散

治發散初起黑花昏矇肉障

荆芥

白菊花

防風

木賊

白附子

粉草

蒼朮

人參

羌活

蒺藜

右水煎食後服

補腎磁石

治腎肝氣虛上攻眼自昏暗遠

視不明時見黑花漸成内障

磁石火煨紅醋浸 甘菊花 石决明

肉苁蓉酒浸切焙 兔絲子酒浸壹宿慢火焙乾各壹兩

右為細末用雄雀拾伍隻去毛嘴足留肚腸以青鹽貳兩水參升同煮令雄雀爛水欲盡為度取出先搗如膏和藥末為丸如梧子大每服貳拾丸空心溫酒送下

千金神麴丸即磁硃丸見前

三仁五子丸 治肝腎不足體弱眼昏内障生

花不計近遠

栢子仁 慧苡仁 酸棗仁

兔絲子酒製 五味子 枸杞子酒蒸

覆盆子酒浸 車前子酒浸 肉苁蓉

熟地黄 白茯苓 當歸

沉香各等分

右為細末煉蜜丸如桐子大每服伍拾丸空心用鹽酒送下

麝羊角散 治肝臟實熱眼目昏暗時多熱淚

麝羊角鈎

羌活去蘆

玄參

車前子

黃芩去黑

山梔仁

瓜蒌各半

胡黃連

菊花各半

細辛去苗

右為細末食後竹葉煎湯調服貳錢

蕤仁丸治眼見黑花飛蠅澀痛昏暗漸變青

蕤仁去

地膚子

細辛去苗

人參

地骨皮去土

石決明洗淨別搗羅

白茯苓去皮

白朮各貳

熟地黄焙

楮實各參兩

空青另研

防風去叉各壹兩半

石膽研如粉

鯉魚膽伍枚

青羊膽壹枚

右為細末研勻以膽汁同煉蜜搜和丸如桐子大每服貳拾丸食後米飲送下

熟地黄丸見腫神散大

摩頂膏治肝腎虛風上攻眼生黑花或如水

浪

空青研

青鹽研各半兩

槐子

木香

附子各壹兩

牛酥貳兩

鷲脂肆兩

早蓮艸自然汁壹升

龍腦半錢

丹砂貳錢半研

右為細末先以早蓮草汁牛酥鷲脂銀器中熬參伍沸下諸藥末煎減壹半即止盛磁器中臨卧用舊鉢鐵壹片重貳叁兩蘸藥於頂上摩貳叁拾徧令入髮竅中次服決明丸忌鐵器

又方 治眼前見花黃黑紅白不定

附子

炮裂去皮臍

木香各壹兩

朱砂貳錢半

龍腦半錢

青鹽壹兩半

牛酥貳兩

鷲脂肆兩

右將前藥為末同酥脂以慢火熬成膏每用少許不拘時頂上摩之

決明丸 治眼見黑花不散

決明子

甘菊花各壹兩

防風去蘆

車前子

芎藭

細辛

梔子仁

蔓荊子

玄參

白茯苓

薯蕷各半

生地黄半 柴錢

右為細末煉蜜和搗貳參伯杵丸如梧子大每服貳拾丸食後煎桑枝湯送下日叁

白龍粉

治腎水衰虛肝經邪熱視物不明或生障翳努肉攀睛或迎風淚出眼見黑花或如蠅飛或如油星或睛澀腫痛或痒不可忍並皆治之

右用硝參斗於二九月造壹大罐熱水化開以綿濾過入銀器或石器內煎至壹半已上

就鍋內放温傾銀盆內於露地放壹宿次日結成塊子於別水內洗淨再用小罐熱水化開熬入蘿蔔貳箇切片子同煮以蘿蔔熟為度傾在磁器內撈蘿蔔不用於露地露壹宿次日結成塊子去水於日中晒壹日去盡水入好紙袋盛放於透風日處掛晒至風化開成用逐旋於乳鉢內攪研極細點眼如常法亦名玄明粉

煮肝散 治眼生黑花漸成內障及鬪睛偏視

風毒攻眼腫痛澀痒短視倒睫雀目

羌活去蘆 獨活去蘆 青柏子

甘菊花各壹兩

右為細末每服參錢七羊子肝壹葉剉細淡
竹葉數片同裹如粽子別用雄黑豆肆拾玖
粒米泔壹碗銀石器內同煮黑豆爛泔乾為
度取肝細嚼温酒下又將豆食盡空心日午
夜卧服

服椒方 治肝腎虛風上攻眼自生黑花頭目

不利能通神延年用川椒壹斤揀淨去目及
合口者於銚內炒令透於地上鋪淨紙貳重
用新盆合定周迴用黃土培之半日去毒出
汗然後取之曝乾為度只取椒於磁盒子內
收每日空心新汲水下拾粒

芎藭散 治目暈昏澀視物不明

芎藭 地骨皮 荆芥穗

何首烏去黑皮 菊花 旋覆花

草決明 石決明刷淨 甘草炙各壹兩

青柏子 蟬蛻去土 木賊各半兩

白芷貳錢半

右為細末每服壹錢匕食後米泔水調下

磁石丸 治眼因患後起早元氣虛弱目無翳

膜視物昏暗欲成内障

磁石貳兩煨醋淬米次杵碎細研水飛過

肉蓯蓉壹兩酒浸壹宿刮去皴皮炙令乾

兔絲子酒浸伍日曝乾別研為末參兩

補骨脂微炒 巴戟去心 石斛去根

遠志去心 熟地黄各壹兩 木香

五味子 甘草炙赤 桂心各半兩

右為細末研勻煉蜜和搗貳參百杵丸如梧

子大每服參拾丸食前温酒送下一方有茯

神無遠志石斛

四物五子丸 治心腎不足眼自昏暗

當歸酒浸 川芎 熟地黄

白芍藥 枸杞子 覆盆子

地膚子 兔絲子酒浸 車前子酒蒸量虛實加

減各等分

右為細末煉蜜和丸如桐子大每服伍拾丸不拘時鹽湯送下

杞苓丸 治男子腎藏虛耗水不上升眼自昏

暗遠視不明漸成内障

枸杞子

肆兩 酒蒸

白茯苓

捌兩 去皮

當歸

兔絲子

肆兩 酒浸蒸

青鹽

壹兩 另研

右為細末煉蜜和丸如桐子大每服柒拾丸食前用白湯送下

瑞竹四神丸

治腎經虛損眼自昏花補虛益

損及雲翳遮睛

甘州枸杞子

壹斤 揀色赤滋潤者以酒壹杯潤之

分作肆分 壹分同川椒壹兩炒壹分同小茴香壹兩炒壹分同芝麻壹合炒壹分獨炒用

炒過將川椒等篩去不用再加熟地黃白朮

白茯苓各壹兩共為細末煉蜜和丸如梧子

大每服伍柒拾丸空心溫酒送下或加甘菊

花壹兩

夜光丸

一名雙美丸

治眼目昏暗及諸疾兼退翳膜

蜀椒

去目并合口者炒出汗壹斤半搗末壹斤

甘菊花

取采壹斤

右和勻取肥地黄拾伍斤切搗研絞取汁搗
玖升許將前藥末拌浸令勻暴稍乾入盤中
攤暴叁肆日內取乾候得所即止勿令太燥
入煉蜜貳斤同搗數千杵丸如梧桐子大每
服叁拾丸空心日午熟水下久服目能夜視
髮白再黑通神強志延年益壽一方用熟地
黃貳兩酒浸九蒸九曝食後細嚼新淅米拾
粒以湯送下或茶下亦得

蜜蒙花散

治冷淚昏暗

蜜蒙花

甘菊花

杜蒺藜

石決明

木賊

白芍藥

甘草

炙各等分

右為細末每服壹錢茶清調下服半月後加

至貳錢

流氣飲治風熱上攻視物不明常見黑花見外障

還睛補肝丸 治肝虛兩目昏暗衝風淚下

白朮

細辛

去苗

芎藭

决明子微炒 人參 羌活去蘆

當歸切焙 白茯苓去皮 苦參

防風去叉 官桂去麤皮 地骨皮

玄參 黄芩去黑心 五味子

車前子微炒 菊花 青葙子

甘草炙各等分

右爲細末煉蜜爲丸如梧子大每服叁拾丸
加至肆拾丸不拘時米飲下

鎮肝丸 治肝經不足内受風熱上攻眼目昏

暗痒痛隱澀難開多眵洒淚怕日羞明時發
腫赤或生翳障

遠志去心 地膚子 羌蔚子

白茯苓去皮 防風去蘆 决明子

蔓荆子 人參各壹兩 山藥

青葙子 柴胡去苗 柏子仁炒

甘草炙 地骨皮 玄參

車前子 甘菊花各半兩 細辛去苗

右爲細末蜜水煮糊丸如桐子大每服叁拾

丸食後用米湯下日參

真珠煎 治肝虛寒目茫茫不見物

真珠

貳錢半 細研

鯉魚膽

貳枚

白蜜

貳兩

右合和銅器中微火煎取壹半新綿濾過磁瓶中盛每以銅筋點如黍米着目背即淚出頻點取瘥

又方

以黃檗壹瓜申許每朝含使津置掌中拭目訖以水洗之至百日眼明此終身行之永除

眼疾

治暑月或行路目昏澀多眵粘者以生龍腦薄

荷伍柒葉淨洗手揉爛以生絹拭汗滴入眼

中妙

治眼目昏暗

用園桑老皮燒灰水壹盞煎至柒分去滓澄

清洗壹週年如童子眼光明并開洗眼日于

後

正月初八

二月初十

三月初五

四月初八 五月初八 六月初七

七月初七 八月初三 九月初十

十月初九 十一月初十 十二月二十二

又方 用朴硝陸錢重用冰壹盞煎至捌分候
冷定澄清下次分定每月壹日洗至壹年之
間眼如童子光明

正月初一 二月初八 三月初四

四月初五 五月初五 六月初四

七月初五 八月初一 九月十三

十月十三 十月十六 十二月初五

青魚膽方治目暗

右用青魚膽汁滴目中

又方用鷹眼睛壹對炙乾搗末研令極細以人
乳汁再研每以銅筋取少許點於瞳人上日
夜參度可以夜見物或取臘月雉鴿眼依上
法用効參日見碧霄中物忌烟熏

金絲膏 治一切目疾昏暗如紗羅所遮或疼

痛

宣黃連

半兩剉碎水壹盞浸壹宿取汁再
添水半盞浸滓經半日絞取汁與
前汁放水壹處滓
別用水半盞浸

蜜

壹兩

白礬

壹字

井鹽

壹分如無
以青鹽代

山梔子

好者貳錢槌碎與黃連滓同煮伍
柴拾沸取盡力沫濾去滓與前黃
連汁壹處
入餘藥

右用銀磁器內熬十餘沸用生絹上細紙數

重再濾過用時常點

點鹽法

明目去昏翳大利老眼得補益之良
右以海鹽隨多少淨揀以百沸湯泡去不淨

濾取清汁於銀石器內熬取雪白鹽花用新

瓦器盛每早用壹大錢作牙藥揩擦以水漱

動用左右手指背通互口內蘸鹽津洗兩眼

大小背內閉目良久却用水洗面名洞視千

里明目堅齒實為妙法東坡手錄目赤不可

具湯浴并忌用湯泡足湯驅體中熱併集於

頭且喪明必矣

青盲

救睛丸

見旋螺尖起

雀盲

決明夜靈散

治日至夜則昏雖有燈月

雀目 類方 百選

亦不能親

石決明

另研

夜明砂

另研各貳錢

猪肝

壹兩生用不食猪者以白羯羊肝代

右二藥末和勻以竹刀切肝作兩片以藥鋪

於壹片肝上以壹片合之用麻皮纏定勿令

藥得泄出淘米泔水壹大碗貯沙罐內不犯

鐵器入肝藥於中煮至小半碗臨睡連肝藥

汁服之

右方以決明鎮腎經益精為君夜明沙升陽

主夜明為臣米泔水主脾胃為佐肝與肝合引入肝經為使

蛤粉丸

治雀目日落不見物

蛤粉

細研

黃蠟

等分

右熔蠟搜粉為丸如棗大每用猪肝壹片貳兩許此開裹藥壹丸麻線纏入罐內水壹碗煮熟傾出乘熱薰目至溫喫肝以愈為度

瀉肺飲

治肝虛雀目恐變成内障

防風

去義

黃芩

去黑

桔梗

炒

雀目 類方 百選

芍藥 大黃炒各壹兩

右剉碎每服叁錢匕水壹盞半煎至壹盞入芒硝半字去滓放温食後臨卧服

猪肝散 治雀目

蛤粉 黃丹 夜明沙各等分

右末猪肝切開入藥末用線紮米泔水煮熟不拘時嚼服原汁送下

夜明丸 治雀目青盲

夜明沙 木賊 防風

田螺殼 青木香 細辛各等分

右為末爛煮猪肝用末藥於淨沙盆內研令極勻丸如桐子大每服叁拾七米飲或酒下

轉光丸 治肝虛雀目青盲

生地黄 白茯苓 川芎

蔓荆子 熟地黄 防風

山藥 白菊花 細辛各等分

右為末煉蜜和丸如梧子大每服貳拾丸空心桑白皮湯送下

灸雀目疳眼法寶鑑

小兒雀目夜不見物灸手大指甲後壹寸肉
廉橫文頭白肉際灸壹炷如小麥大
小兒疳眼灸合谷貳穴各壹壯炷如小麥大
在手大指次指兩骨間陷者中按灸法詳見
資生等經茲
錄不備

神水將枯瀉膽散 治瞳仁乾缺外障

玄參 黃芩 地骨皮
麥門冬 知母各壹兩 黃芪

茺蔚子各壹兩半

每服伍錢水壹盞煎伍分去滓食後温服

轉關天門冬飲子

天門冬 茺蔚子 知母各貳兩
五味子 防風各壹兩 人參
茯苓 羌活各壹兩半

每服伍錢水壹盞煎伍分去滓食後温服
玄參瀉肝散

麥門冬貳兩 大黃 黃芩

細辛

芒硝 各壹兩

玄參

桔梗 各壹兩半

右水煎食後服

麥門冬湯 見目赤

雙目睛通 牛黃膏 治小兒通睛

牛黃 壹錢

犀角 貳錢

甘艸 壹分貳釐

金銀箔 各伍片

右為末煉蜜丸菉豆大每服柒丸薄荷湯下

倒睫拳毛

黃芪防風飲子治眼稜緊急以致

倒睫拳毛損睛生翳及上下瞼皆赤爛羞澀

難開眵淚稠粘

蔓荆子

黃芩 各半錢

炙甘草

黃芪

防風 各壹錢

葛根 壹錢半

細辛 貳分

一方有人參 壹錢 當歸 柒分半

水貳盞煎至壹盞去滓大熱服 一方只葛根防風蔓荆子

細辛甘草餘藥不用名神効明目湯

右方以蔓荆子細辛為君除手太陽手少陰之邪肝為一經之母子平母安此實則瀉其子也以甘草葛根為臣治足太陰足陽明之

弱肺為一經之子母薄子單此虛則補其母也黃芪實皮毛防風散滯氣用之以為佐黃

無比蔓荆子湯 治證同上

黃芪 人參 生甘草 各壹錢

黃連 柴胡 各柴分 蔓荆子

當歸 葛根 防風 各伍分

細辛葉 叁分

水貳盞煎至壹盞去滓稍熱服

右方為肺氣虛黃芪人參實之為君心受邪黃連除之肝受邪柴胡除之小腸受邪蔓荆子除之為臣當歸和血葛根解除為佐防風療風散滯生甘草大瀉熱火細辛利九竅用葉者取其升上之意為使也

決明益陰丸 見目痛 菊花決明散 見目赤

瀉肝散 洗刀散 五退還光散 五退散

阜角丸 俱見前

青黛散 治眼倒睫神效

棗樹上黃直棘針

刺蝟皮炒焦

白芷

青黛各等分

為細末口噙水左眼倒睫左鼻內噙之右眼倒睫右鼻內噙之

四退散 治倒睫拳毛

蟬退

蛇退醋煮

猪蹄退炒

蠶退

荆芥各貳錢半

川烏炮

穿山甲燒

粉草各半兩

右為末每服壹錢淡鹽湯調下又方加防風

石決明草決明各伍錢

起睫膏

木鼈干去殼壹錢

自然銅伍分製

右搗爛為條子噙鼻又以石燕末入片腦少許研水調敷眼弦上

起倒睫 用石燕為細末先鑷去睫毛次用水

調末貼眼弦上常以黃連水洗之

脾急緊小

神効黃芪湯

治兩自緊急縮小羞

明畏日或隱澀難開或視物無力睛痛昏花

手不得近或目少睛光或目中熱如火服伍陸次神効

黃芪 貳兩

人參 去蘆

炙甘草

白芍藥 各壹兩

陳皮 去白 半兩

蔓荊子 貳錢

每服肆伍錢水壹盞捌分煎至壹盞去滓臨卧稍熱服如小便淋澀加澤瀉伍分如有大熱證加黃檗叁錢酒炒肆次如麻木不仁雖有熱不用黃檗再加黃芩壹兩如眼緊小去芍藥忌酒醋濕麵大料物葱韭蒜及淡滲生

冷硬物

撥重湯 見外障

連翹飲子 治目中溜火惡日與火隱澀小角

緊久視昏花迎風有淚

連翹

當歸

紅葵花

蔓荊子

人參

甘草 生用

生地黄 各叁分

柴胡 貳分

黃芩 酒製

黃芪

防風

羌活 各半錢

升麻 壹錢

右剉每服伍錢水貳盞煎至壹盞去滓食後
稍熱服

雷巖丸 見目昏

蟬花無比散 見通治

脾肉粘輪 排風散 治兩眼粘睛外障

天麻 桔梗 防風 各貳兩

五味子 烏蛇 細辛

芍藥 乾蠍 各壹兩

右為細末每服壹錢食後米飲調下

龍膽丸 治眼兩胞粘睛赤爛成瘡

苦參 龍膽草 牛蒡子 各等分

右為末煉蜜丸如梧桐子大每服貳拾丸食

後米泔下

廣大重明湯 見外障

風沿爛眼 紫金膏 見前

菊花通聖散 治兩眼潰爛或生風粟

白菊花 壹兩半 滑石 叁兩 石膏

黃芩 甘草 桔梗

牙硝 黃連 羌活 各壹兩

防風

川芎

當歸

赤芍藥

大黃

薄荷

連翹

麻黃

白蒺藜

芒硝

各半兩

荆芥

白朮

山梔子

各貳錢半

右咬咀每服叁錢水壹盞半生薑叁片同煎

柒分食後服

洗刀散

見前

柴胡散 治眼眶澀爛因風而作用氣藥燥之

柴胡

羌活

防風

赤芍藥

桔梗

荆芥

生地黄

甘草

右水煎服

撥雲散

見外障

蟬花無比散

見通治

黃連散

治眼爛弦風

黃連

防風

荆芥

赤芍藥

五倍子

蔓荆子

覆盆子根

即甜勾根

右煎沸入鹽少許濾淨又入輕粉末少許和
勻洗眼亦効

爐甘石散 治爛風眼

以爐甘石不拘多少先用童便煨淬柴次次
用黃連濃煎汁煨淬柴次再用穀雨前茶芽
濃煎煨淬柴次又併參汁餘者合壹處再煨
淬參次然後安放地上壹宿出火氣細細研
入冰片麝香點上神妙煨時須用好紫銷炭
極大者鑿一穴以安爐甘石

丹淚不止當歸飲子

當歸

大黃

柴胡

人參

黃芩

甘草

芍藥

滑石

右剉細每服參錢至伍錢水壹盞生薑叁片
同煎柒分去滓温服

河間當歸湯 治風邪所傷寒中目淚自出肌

瘦汗不止

當歸

人參

官桂

陳皮各壹兩

乾薑炮

白朮

白茯苓

甘州

川芎

細辛

白芍藥各半兩

右為末每服貳錢水壹盞生薑叁片棗貳枚同煎至捌分去渣熱服不計時併叁服

枸杞酒 治肝虛當風眼淚

右用枸杞子最肥者貳升搗破內絹袋置罐中以酒壹斗浸訖密封勿泄氣候叁柒白每日取飲之勿醉

二妙散 養肝氣治目昏視物不明淚下

當歸 熟地黄各等分

右為細末每服貳錢匕不拘時無灰酒調下

治肝虛或當風眼淚鎮肝明目

右用臘月牯牛膽盛黑豆不計多少浸候百日開取食後夜間吞叁柒粒神効

洗肝湯 治肝實眼

人參 黃芩去黑心 赤茯苓去黑皮

山梔子仁 芎藭 柴胡去苗

地骨皮 甘菊花 桔梗炒各壹兩

黃連去鬚 甘草炙各半兩

右吹咀每服叁錢水壹盞入苦竹葉柒片煎至柒分去滓食後服

瀉肝湯 治目熱淚生糞者脾肝受熱故也

桑白皮壹兩 地骨皮貳兩 甘艸伍錢炒

右吹咀每服叁錢白水煎食後服

木賊散 治眼出冷淚實則用此

木賊 蒼朮 蒺藜

防風 羌活 川芎

甘草

右水煎服

決明子方 治肝經熱止淚明目治風赤眼

右以決明子朝朝取壹匙投令淨空心水吞下百日見夜光一方取決明作菜食之

羌活散 治目風冷淚久不瘥

羌活去蘆 木香 官桂去麋皮

胡黃連 山藥 升麻

艾葉焙各壹兩 牛膝酒浸切焙 山茱萸去核

白附子炮各半錢

右剉每服叁錢水壹盞煎至捌分去滓食後溫服日叁

羌活散 治風氣攻眼昏澀多淚

羌活 川芎 天麻

旋覆花 藁本 防風

蟬蛻洗 甘菊花 細辛

杏仁去皮各壹兩 炙甘草半兩

右為細末每服貳錢新水壹盞半煎食後服

菊花散 治目風淚出

蒼朮肆兩肥者用銀石器入河水同皁莢壹寸煮壹日去皁莢取朮銅刀刮去

黑皮曝乾 菊花 木賊新者

草決明洗曝乾 荆芥穗 旋覆花

甘草炙各壹兩 蟬蛻洗焙茶錢半 蛇蛻洗炙貳錢半

右為細末用不津器盛每服壹錢臘茶半錢同點空心臨卧時服

蟬蛻餅子 治目風冷淚去翳暈

蟬蛻洗焙

木賊新者

甘菊花各壹兩

荆芥穗

芎藭各貳兩

蒼木米泔浸焙參兩

甘草炙半兩

右為細末煉蜜和捏作餅子如錢大每服壹餅食後細嚼臘茶送下日叁

阿膠散 治目有冷淚流而不結者肝經受風冷故也

阿膠

馬兜鈴各壹兩半 紫苑

款冬花各壹兩

甘草半兩

白蒺藜貳錢半炒

糯米壹兩

右咬咀每服貳錢水壹盞半煎捌分溫服不拘時候

本事方治頭風冷淚麗安常二方

甘菊花

決明子各貳錢

白朮

羌活

川芎

細辛

白芷

荆芥穗各半兩

右為細末每服壹錢食後溫湯調下日叁

又方

目録 類方 百七

川芎 甘菊 細辛

白芷 白朮 各等分

右為末蠟丸如黍米大夜臥服壹丸日中壹

時辰換壹丸

川芎丸本治風盛隔壅鼻塞清涕熱氣攻眼

下淚多眵齒間緊急作頭痛

川芎 柴胡各壹兩 半夏麩

甘草炙 甘菊 人參各壹兩

前胡 防風各半兩

右每服肆錢水壹盞生薑肆片薄荷伍葉同

煎柒分去香温服

銀海止淚方

蒼朮米泔浸壹兩半 木賊去節貳兩 香附子炒去毛

右為末煉蜜丸如桐子大食後鹽湯下叁丸

治冷淚方

夏枯草 香附子 各等分

右為細末麥門冬湯調下

又方用胞棗壹枚去核以花椒貳拾粒入內用

百七

濕紙裏煨熟細嚼白湯下

立應散 治冷淚

橡斗子 壹箇 甘草 叁錢

右為細末每服貳錢熟水調下

楮實散 治冷淚

楮實子 去白膜炒 夏枯草

甘草 各半兩

香附子 炒 夏桑葉 各壹兩

右為細末熟水調服不拘時

白殭蠶散 治衝風淚出

白殭蠶 炒

粉草

細辛

旋覆花

木賊 各伍錢

荆芥 貳錢半

嫩桑葉 壹兩

右水煎食後溫服

真珠散 治肝虛目風淚出

真珠 研

丹砂 研各叁分

乾薑 研貳分

貝齒 伍枚以炭火煨為細末

右研極細令勻以熟絹帛羅參遍每仰臥以少許點眼中合眼少時

乳汁煎 治風淚澀痒

人乳 壹升

黃連

去鬚研取末

蕤仁 壹兩

乾薑

炮為末

右除乳外再同研極細以乳漬壹宿明旦內

銅器中微火煎取叁合綿濾去滓每以黍米

大點背中勿當風點

止淚散 治風眼流淚不止

爐甘石

壹錢

海螵蛸

叁分

片腦

伍釐

右研細點眼大背頭目井口淚自收二藥燥

要加腦和則不澀也

麝香散 治眼冷淚不止

香附子

川椒目

各等分

蒼朮

麝香 各少許

右為細末吹鼻中

目瘡疔 消毒飲

治瞼生風粒

大黃

荆芥

牛蒡子

甘艸

右水煎食後溫服

防風散結湯

治目上下睫隱起肉疣用法

除病後服之

防風

羌活

白芍藥

當歸尾

茯苓

蒼朮

獨活

前胡

黃芩各伍分

炙甘草

防已各陸分

紅花

蘇木各少許

右作壹服水貳盞煎至壹盞熱服查再煎

右方以防風羌活升發陽氣為君白芍藥當

歸尾紅花蘇木破凝行血為臣茯苓瀉邪氣

蒼朮去上濕前胡利五臟獨活除風邪黃芩

療熱滋化為佐甘草和諸藥防已行十二經

為使病在上睫者加黃連柴胡以其手少陰

足厥陰受邪也病在下睫者加藁本蔓荊子

以其手太陽受邪也

漏睛

五花丸

治漏睛膿出目停風熱在胞中

結聚膿汁和淚相雜常流涎水久而不治至

烏珠墜落

金沸草

肆兩 巴戟參兩

川椒皮

枸杞子

白菊花各貳兩

治眼 類方 百三

右末煉蜜丸梧桐子大每服貳拾丸空心鹽酒下

白薇丸 治漏睛膿出

白薇 伍錢 防風 荑藜

石榴皮 羌活 各叁錢

右末米粉糊丸桐子大每服貳拾丸白湯下

糖煎散 見外障 治眼膿漏不止

黃耆 防風 大黃

黃芩 各叁兩 人參 遠志 去心

地骨皮 赤茯苓 蒲蘆 各貳兩

右每服伍錢水煎食後服

竹葉瀉經湯 治眼目癢澀稍覺眵燥視物微昏內眥開竅如鍼目痛按之浸浸膿出

柴胡 梔子 羌活

升麻 炙甘州 黃連

大黃 各伍分 赤芍藥 草決明

茯苓 車前子 澤瀉 各肆分

漏睛 類方 百三

黃芩 陸分

青竹葉 壹拾片

作壹服水貳觔煎至壹盞食後稍熱服

右方逆攻者也先以行足厥陰肝足太陽膀胱之藥為君柴胡羌活是也二經生意皆總於脾胃以調足太陰足陽明之藥為臣升麻甘草是也肝經多血以通順血脈除肝邪之藥膀胱經多濕以利小便除膀胱濕之藥為佐赤芍藥草決明澤瀉茯苓車前子是也總破其積熱者必攻必開必利必除之藥為使

梔子黃芩黃連大黃竹葉是也

蜜劑解毒丸 治證同上

石蜜 煉壹斤 山梔 拾兩 大黃 伍兩

杏仁 去皮尖貳兩另研

蜜丸梧子大每服叁拾丸加至百丸茶湯下
右方以甘潤治燥為君為燥為熱之原也山梔子微苦寒治煩為臣為煩為熱所產也石蜜甘平溫安五臟為佐為其解毒除邪也太黃苦寒性走不守瀉諸實熱為使為攻其積

不令其重疊不解也

東垣龍膽飲子 治肝眼流膿生疳翳濕熱為病

黃芩炒

青蛤粉

草龍膽酒拌炒焦

羌活各參錢

升麻貳錢

麻黃壹錢半

蛇退

穀精草

川鬱金

炙甘草各半錢

右為細末食後茶調服貳錢

能遠視不能近視 地芝丸 亦能治脉風成癘

生地黄焙

天門冬去心各肆兩

枳殼炒

甘菊花去蒂各貳兩

右為細末煉蜜丸如桐子大每服壹佰丸茶

清送下

能近視不能遠視 定志丸

遠志去苗心

菖蒲各貳兩

人參

白茯苓去皮各壹兩

為細末煉蜜丸以朱砂為衣每服拾丸加至

貳拾丸米飲下食後

目閉不開

助陽活血湯

見目痛

目為物所傷 除風益損湯

熟地黄

當歸

白芍藥

川芎

各壹錢

藁本

前胡

防風

各柒分

作壹服水貳觔煎壹觔去滓大熱服

右方以熟地黄補腎水為君黑睛為腎之子
此虛則補其母也以當歸補血為目為血所
養今傷則血病白芍藥補血又補氣為血病

氣亦病也為臣川芎治血虛頭痛藁本通血
去頭風為佐前胡防風通療風邪俾不凝留
為使兼治亡血過多之病傷於眉骨者病自
目系而下以其手少陰有隙也加黃連療之
傷於頤者病自抵過而上傷於耳者病自銳
背而入以其手大陽有隙也加柴胡療之傷
於額交顛耳上角及腦者病自內背而出以
其足太陽有隙也加蒼朮療之傷於耳後耳
角耳前者病自客主人斜下傷於頰者病自

目為物傷 類方十 百六
銳背而人以其足少陽有隙也加龍膽草療之傷於額角及顛者病自目系而下以其足厥陰有隙也加五味子療之凡傷甚者從權倍加大黃瀉其敗血眇多淚多羞澀赤腫者加黃芩療之

加減地黄丸 治目為物傷

生地黄 酒蒸 熟地黄 各半斤 牛膝
當歸 各參兩 枳殼 貳兩 杏仁 去皮
羌活 防風 各壹兩 一本各等分

為細末煉蜜丸如桐子大每服參拾丸空心食前温酒送下淡鹽湯亦可

右方以地黄補腎水真陰為君夫腎水不足者相火必盛故生熟地黄退相火也牛膝逐敗血當歸益新血為臣麩炒枳殼和胃氣謂胃為多血生血之所是補其原杏仁潤燥謂血少生燥為佐羌活防風俱升發清利大除風邪為七情五賊饑飽勞役之病睛痛者與當歸養榮湯兼服傷寒愈後之病及血少血

虛血亡之病俱互服也

補肝丸 補腎丸 石决明丸

阜角丸 生熟地黄丸 俱見内
外障

加味四物湯 治打損眼目

當歸 川芎 白芍藥

熟地黄 防風 荆芥 各等分

右吹咀為散每服參錢水壹盞半煎至壹盞
再入生地黄汁少許去滓温服再以生地黄
壹兩杏仁貳拾粒研細用綿子裹藥敷在眼上

令乾再將瘦猪肉薄切粘於眼上再服局方
黑神散

局方黑神散

蒲黃 熟地黄 肉桂

當歸 赤芍藥 白朮

甘草 各等分

右為末童子小便生地黄汁相和調服
内消散 治傷損眼

羌活 獨活 蘇木

紅內消

當歸

川芎

大黃

鈎鈎藤

白芷

紅花

桃仁

甘草節

赤芍藥

生地黄

瓜蒌根

紫金皮

金鎖匙

血竭草

右水煎食後服次用生地黄

壹兩 杏仁伍拾搗

爛貼眼上復以精猪肉貼之

又方

羌活

獨活

紅內消

蘇木

赤芍藥

鈎藤

白芷

各伍錢

甘草節

叁錢

地榆

瓜蒌根

各肆錢

右吹咀每服叁錢白水煎食後服

經效散

治撞刺生翳

大黃

當歸

芍藥 各半兩

粉草

連翹

各貳錢半

北柴胡 壹兩

犀角

壹錢

右水煎食後服

一綠散

治打撲傷損眼胞赤腫疼痛

目為物傷

頁七

頁七

芙蓉葉

生地黄

各等分

右搗爛敷眼胞上或為末以鷄子清調勻敷

治目被物刺損有翳

生地黄

生薄荷

生巨葉

生土當歸

朴硝

右不拘多少研爛貼太陽二穴

傷寒愈後之病

人參補陽湯

治傷寒餘邪不

散上走空竅其病癰澀赤脹生翳羞明頭腦

骨痛

羌活

獨活

各陸分

白芍藥

生地黄

澤瀉

各叁分

人參

白朮

茯苓

黃耆

炙甘草

當歸

熟地黄

酒洗焙各肆分

柴胡

防風

各伍分

作壹服水貳錢煎至壹盞去粗熱服

右方分利陰陽升降上下之藥也羌活獨活

為君者導陽之升也茯苓澤瀉為臣者導陰

之降也人參白朮大補脾胃內盛則邪自不

容黃芪防風大實皮毛外密則邪自不入爲
之佐也當歸熟地黃俱生血謂目得血而能
視生地黄補腎水謂神水屬腎白芍藥理氣
柴胡行經甘草和百藥爲之使也

羌活勝風湯 見外障 加減地黄丸 見前

啗鼻碧雲散 見目赤

前胡犀角湯 治傷寒兩目昏暗或生浮翳

前胡 去蘆 犀角屑 蔓荆子

青箱子 防風 去叉 梔子仁

麥門冬 去心 生地黄 焙 菊花

羌活 去蘆 决明子 微炒 車前子 微炒

細辛 甘草 炙各壹兩 黃芪 壹兩半

右剉每服伍錢水壹盞半煎至捌分去滓食
後温服

羌蔚子丸 治時氣後目暗及有翳膜

羌蔚子 澤瀉 各壹兩半 枸杞子

青箱子 枳殼 去瓢 生地黄 焙各壹兩

石决明 麥門冬 去心 細辛 去苗葉

車前子

各貳兩 去鬚

黃連

參兩

右為細末煉蜜丸如梧子大每服參拾丸食

後漿水送下

瀉肝散 治天行後赤眼外障

知母

黃芩

桔梗

各壹兩半

羌蔚子

大黃

玄參

羌活

細辛

各壹兩

右剉每服伍錢水壹盞半煎至伍分去滓食

後溫服

痘疹餘毒

羚羊角散

治小兒痘疹後餘毒不

解上攻眼目生翳羞明眵淚俱多紅赤腫閉

羚羊角

黃芩

黃芪

草決明

車前子

升麻

防風

大黃

芒硝

各等分

作壹服水壹觥煎半觥去滓稍熱服

右方以羚羊角主明目為君升麻補足太陰

以實肉逐其毒也黃芪補手太陰以實外禦

其邪也為臣防風升清陽車前子瀉濁陰為

佐草決明療赤痛淚出黃芩大黃芒硝用以
攻其錮熱為使然太黃芒硝乃大苦寒之藥
智者當量其虛實以為加減未滿二十一日
而目疾作者消毒化癰湯主之
消毒化癰湯 治小兒癰疹未滿二十一日而
目疾作者餘治同上

- 羌活 升麻 防風
- 麻黃各伍分 黃連 當歸
- 酒黃蘗 連翹各參分 藁本

酒黃芩 生地黄 蒼木泔浸炒

川芎 柴胡各貳分 細辛

白朮 生苧 陳皮

生甘艸 蘇木 葛根各壹分

吳茱萸 紅花各半

作壹服水貳觔煎至壹觔去滓稍熱服
右方功非獨能於目蓋專於癰者而置也今
以治癰之劑治目者以其毒尚熾盛又傷害
於目也夫癰疹之發初則膀胱壬水尅小腸

丙火羌活藁本乃治足太陽之藥次則腎經
癸水又尅心火細辛主少陰之藥故為君終
則二火熾盛反制寒水故用黃芩黃連黃檗
以療二火酒製者反治也生地黄益寒水故
為臣麻黃防風川芎升發陽氣祛諸風邪葛
根柴胡解利邪毒升麻散諸鬱結白朮蒼朮
除濕和胃生甘州大退諸熱故為佐氣不得
上下吳茱萸陳皮通之血不得流行蘇木紅
花順之當歸愈惡瘡連翹除客熱故為使此

方君臣佐使逆從反正用藥治法具備通造
化明藥性者能知也如未見痲疹之前小兒
耳尖冷呵欠睡中驚噓噴眼澀知其必出痲
者急以此藥投之甚者則稀稀者立已已後
無一出之患

決明散 治小兒痘疹入眼

決明子 赤芍藥 炙甘草 各貳錢 伍分

天花粉 伍錢

右為末麝香少許和劑三歲半錢米泔調食

後服

蜜蒙散 治小兒痘疹并諸毒入眼

蜜蒙花貳錢半 青柏子 決明子

車前子各伍分

右為末羊肝壹片切開作叁片摻藥合作壹片濕紙裹於灰火中煨熟空心食之

蛇皮散 治小兒痘瘡入眼成翳

蛇皮炙黃 天花粉各等分

右為末三歲壹錢摻入羊肝內米泔水煮食

乏又方蟬蛻為末羊肝湯調下

蟬蛻散 治小兒痘瘡入眼半年已裏者一月

取效

猪懸蹄甲貳兩燒存性為末 蟬蛻壹兩為末

羯羊肝焙乾末貳錢半

右藥三歲壹錢猪肝湯調下食後壹日肆

服一年外難治

浮萍散 治豌豆瘡入眼疼痛恐傷目

右以浮萍草陰乾為末三歲壹錢羊肝壹片

痘疹論

蓋內杖子刺碎入沸湯半錢絞汁調下食後
參兩服立効

瀉青丸 見頭痛

退翳散 治目內翳障或瘡疹後餘毒不散

真蛤粉 另研 穀精草 生研為末 各壹兩

右研勻每服貳錢用猪肝叁指大壹片批開
摻藥在上捲定再用麻線扎之濃米泔壹碗
煮肝熟為度取出放冷食後臨睡細嚼却用
元煮米泔送下忌一切毒物如齋素只用白

柿同煎前藥令乾去藥食白柿孫盈仲云凡
痘瘡不可食雞鴨子必生翳膜錢季華之女
年數歲瘡疹後兩眼皆生翳只服此藥各退
白膜叁重瞳子方瞭然也

穀精散 治癰瘡翳膜眼

穀精草 猪蹄退 炒 菘豆皮

蟬退 各等分

右為末每服叁錢食後米泔調下

神功散 治證同上

痘疹論 卷之六 頁三六

蛤粉

穀精草

各壹兩

菜豆皮

羌活

蟬退

各伍錢

右為末每服叁錢用猪肝壹具入藥末線縫煮汁同服

通神散 治癰瘡入目内生翳障

白菊花

菜豆皮

穀精草

各等分

右為末每服壹錢乾柿壹箇米泔壹盞同煎候水乾喫柿不拘時喫叁伍柒次柒日得効遠者不過半月

鱧魚方

治痘瘡入眼生翳膜

鱧魚繫其尾倒垂之從項下割破些少取生血點之於翳上白鱧魚尤佳若翳已凝即用南礪砂末以燈心蘸點翳上仍用威靈仙仙靈脾洗晒等分為末每壹錢米泔水調服

通治目疾諸方

蟬花無比散 治大人小兒遠年近日一切風眼氣眼攻注眼目昏暗瞼生風粟或痛或痒漸生翳膜遮睛視物不明及久患偏正頭風

牽搐兩眼漸漸細小連眦赤爛小兒瘡疹入
 眼白膜遮睛赤澀隱痛常服驅風退翳明目
 蛇退微炙壹兩 蟬退去頭足翅貳兩 羌活
 當歸洗焙 石決明用鹽入東流水煮一伏時漉出搗如粉
 川芎各叁兩 防風去叉 茯苓去皮
 甘草各肆兩炙 赤芍藥拾叁兩 蒺藜炒去刺半斤
 蒼朮浸去皮炒拾伍兩
 右為末每服叁錢食後米泔調服茶清亦得
 忌食發風毒等物

還睛丸和劑治男婦風毒上攻眼自赤腫怕日羞
 明多饒眵淚隱澀難開眶痒赤痛臉背紅爛
 瘀肉侵睛或患暴赤眼睛痛不可忍者併服
 立効又治偏正頭痛一切頭風頭自眩暈
 白朮生用 兔絲子酒浸另研 青葙子去土
 防風去蘆 甘草炙 羌活去苗
 白蒺藜炒去尖 蜜蒙花 木賊去節各等分
 為細末煉蜜丸如彈子大每服壹丸細嚼白
 湯下空心食前日叁

通治眼疾

四

七寶散 治風眼除瘀熱

當歸

芍藥

黃連

銅綠

各貳錢 細研

杏仁

半粒 去皮

白礬

甘草

各壹錢

右吹咀以水同放磁盞內於鍋中頓煎至捌分去滓澄清臨卧洗之

撥雲散 治男婦風毒上攻眼自昏暗翳膜遮障羞明熱淚隱澀難開眦痒赤痛驗背紅爛

瘀肉侵睛

羌活

防風

柴胡

甘草

炒各壹兩

右為細末每服貳錢水壹盞半煎至柒分食後薄荷茶清調服菊花湯調亦可忌醃藏魚鮓鹽醬濕麵炙煨發風等毒物

蟬殼散 治眼自風腫及生翳膜等疾

蟬殼

地骨皮

黃連

宣州者 去毛

牡丹皮

去木

白朮

蒼朮

米泔浸 切焙

菊花

各壹兩

龍膽艸

半兩

甜瓜子

半升

右為細末每服壹錢荆芥煎湯調下食後臨
卧各壹服大治時疾後餘毒上攻眼目甚效
忌熱麵炒豆醋醬等

局方蜜蒙花散 治風氣攻注兩眼昏暗眵淚
羞明并暴赤腫

羌活

白蒺藜 炒

木賊

蜜蒙花

石決明 各壹兩

菊花 貳兩

右為末每服貳錢食後茶清調下

三因羌活散 治風毒上攻眼目昏澀翳膜生

瘡及偏正頭風目小黑花累累者

羌活

川芎

天麻

旋覆花

青皮

南星 炮

藁本 各壹兩

右為末每服貳錢水煎入薑參片薄荷柴葉

本事方羊肝丸

兔絲子

車前子

麥門冬

決明子

茯苓

五味子

枸杞子

羌蔚子

苦葶藶

蕤仁

地膚子

澤瀉

防風

黃芩

杏仁炒

細辛

桂心

青葙子各壹兩

白羯羊肝

用子肝壹片薄切新瓦上炒乾熟地黄壹兩半

右為細末煉蜜為丸如梧子大每服參肆拾

丸溫湯下日叁

地黄散

治心肝壅熱目赤腫痛赤筋白膜遮

睛散在西邊易治若遽遮黑睛多致失明及

治疹痘入目者

生地黄

熟地黄

當歸

大黃各柒錢半

穀精草

蒺藜

木通

黃連

防風

生犀角

木賊

玄參

羌活

蟬蛻

粉草各半兩

右為末每服半錢煮猪羊肝汁食後調服

補肝散 治三十年失明

右用七月七日收蒺藜子陰乾搗末食後水

服方寸匕

治積年失明方

右以決明子杵為末食後以粥飲服方寸匕

外治陽丹治諸般外障赤脉貫睛怕日羞明

沙澀難開胞弦赤爛星翳覆瞳

黃連

黃檗各壹兩

大黃

黃芩

防風

龍膽草各伍錢

當歸

連翹

羌活

梔子

白菊花

生地黄

赤芍藥

苦參各叁錢

蒼朮

麻黃

川芎

白芷

細辛

千里光

腦荷

荆芥

木賊各壹錢半

一方加雞柏樹

根不拘多少此藥樹生梗有小刺葉如石

榴葉根色如黃芩單用亦可點洗

右藥以井水洗淨剉碎以井水浸於銅器內

春參夏貳秋肆冬伍日曬常將手挪出藥味

曬出藥力熟絹濾淨留清汁壹碗以飛藥留

濁汁參碗以淬藥却用熔銅鍋子壹箇裝打

碎甘石壹斤在內新瓦蓋上松炭固濟燒令透極紅色鉗出少時淬入藥汁內煨淬叁次就將留下清汁飛細礪令千萬餘下澄清去濁曬乾再礪令無聲爲度細絹重羅過磁器收貯聽用

爐甘石

壹錢 麝香 叁釐

片腦

壹分

右爲細末次入片腦礪嫩熟絹羅過磁器收貯點眼如有翳膜配合陰丹一九二八三七四六等丹

陰丹

治翳膜遮睛血灌瞳人拳毛努肉爛弦風眼諸般眼疾大効如神

爐甘石

壹兩

銅青

壹錢 玖分

硃砂

陸分 貳釐半

沒藥

貳分

青鹽

叁分 柒釐半

乳香

叁分 柒釐半

熊膽

壹分 貳釐半

蜜陀僧

貳分 半

已上捌味用黃連

伍錢

龍膽草

貳錢 半

煎汁濾淨

將前藥和一處入汁礪細嫩曬乾再礪極細用之

白丁香

海螵蛸

白礬

生

輕粉各壹分 硃砂半 礬砂貳分 雄黃

牙硝 黃丹 血竭

朱砂各壹分 鉛白霜 粉霜

鷹條 膽礬各柒 一方有黃連陸分

胡連腦荷細辛薑粉草烏各壹分 按已上

陸味並無去翳之功不用更妙恐有礙眼

作痛害眼之禍也一方有石蠟貝齒玄明

粉真珠琥珀各貳分 按已上五味或多或少

皆可增人以有磨翳消膜之功不可缺也

右各另製細末依方秤合和勻礬令無聲至
千萬餘下磁器收貯聽用如有翳膜配洽陽

丹一九二八三三七四六等丹點眼大效如神

一九丹 陰 壹分 陽 玖分 礬 玖分 生伍釐

二八丹 陰 貳分 陽 捌分 礬 捌分 生肆釐

三七丹 陰 參分 陽 柒分 礬 柒分 生參釐

四六丹 陰 肆分 陽 陸分 礬 陸分 生貳釐

陰陽丹 陰 伍分 陽 伍分 礬 伍分 生壹釐

清涼丹 陽 壹錢 礬 壹分 礬 生壹釐

小台

頂

頁

已上六丹俱用麝香參片腦壹分研勻點眼
日精丹 治一切火熱赤眼爛弦風等證夫日
者陽也陽主輕清故其丹輕也專治一切眼
目稍輕者用此丹也

二人黃連貳兩 黃檗參兩 龍膽草

一防風 大黃 赤芍藥

丹黃芩 當歸 梔子各伍錢

白菊花 腦荷各貳錢 又方可加鷄楮

樹根不拘多少為妙

右浸藥水煨淬爐甘石收貯諸法悉同陽丹

爐甘石壹兩 朱砂 硼砂各貳錢

麝香參分 白礬生壹分

右為極細末每末壹錢加片腦壹分研細羅
過點眼如有翳膜配和月華丹對勻點之

月華丹 治諸般翳膜努肉等證夫月者陰也

陰主重濁故其丹重也專治一切眼目稍重

者用此丹

爐甘石壹兩 朱砂 硼砂各貳錢

白丁香 真珠

珊瑚

琥珀 水晶

碼磁

石蟹 貝齒

硃砂各貳分

乳香 沒藥

輕粉

青鹽 玄明粉

膽礬

海螵蛸 蚌蛇膽

黃丹

山猪膽 白礬生

雄黃

熊膽 牛黃各壹分

麝香叁分

石貳拾柒味各另修製淨秤合和勻碼令千

萬餘下磁器收貯如臨用時每末壹錢加梅

花片腦壹分研勻羅過點眼如翳膜重厚者

加硃砂少許如翳膜薄輕者對和日精丹

光明丹 治一切眼目翳膜努肉爛弦赤眼眵

燥緊澀羞明惡日以下諸方皆石俱製過者

爐甘石叁錢 朱砂 硃砂各壹錢

麝香壹分 片腦叁分

右各另製細末秤合和勻碼令千萬餘下羅

過點眼如翳膜加石蟹真珠各叁分硃砂白

丁香熊膽牛黃琥珀貝齒各壹分研細和勻
點眼要紅加朱砂壹錢

白龍丹 治一切火熱眼及翳膜努肉

爐甘石 壹錢 玄明粉 伍分 硼砂 叁分

片腦 壹分 右研細末點眼

爐甘石散 治一切外障白睛傷破爛弦風眼

療濕熱平風爛住痛明目去翳退赤除風大

效

爐甘石 壹錢 片腦 壹分 黃連 貳分

右製甘石貳兩以黃礬壹兩黃連伍錢煎濃
汁濾淨投入甘石內曬乾以汗投曬盡為度
依方秤合和勻研為細末乳汁和調勻用鴨
毛刷爛處 又方以覆盆子根皮即甜勾根
洗淨砍爛取汁和乳汁調刷爛處大效
紫金錠子 治一切眼疾不分遠年近日諸般
翳膜血灌瞳仁努肉攀睛拳毛倒睫積年赤
睛暴發赤腫白睛腫脹沙澀難開眵燥緊澀
怕日羞明眩多膿淚爛弦風痒視物昏花迎

烟淚出目中溜火諸般目疾

爐甘石

黃丹

各半斤

黃連

另研

朱砂

各壹兩

當歸

硼砂

各半兩

海螵蛸

白丁香

白礬

生

硃砂

輕粉

貝齒

真珠

石蠟

熊膽

乳香

沒藥

麝香

各壹錢 貳分半

片腦

貳錢其片腦久留恐去氣味宜臨用時加入

右除腦麝外餘各另製為末秤合和勻入黃

連水礪至千萬餘下日乾次入麝香研細羅過又次入片腦再研復羅入後膏搜和作錠子陰乾

黃連 壹斤

當歸

生地黄

各肆兩

防風

黃檗

龍膽草

各貳兩

麩仁

半兩

訶子

搗枚

冬蜜

搗兩另熬酥乾為度

鵝梨

搗枚取汁

猪胰子

肆枚以稻草搗洗去膏膜乾淨無油為度

飛用布包搗爛入藥

右將黃連等搗味洗淨剉碎以水浸於銅器

內春五夏三秋四冬七瀝去滓以滓復添水
熬參次取盡藥力以密絹綿紙重瀝過澄去
砂土慢火煎熬槐柳枝各肆拾玖條互換一
順攪不住手攪盡枝條如飴糖相類入蜜和
勻磁器盛放湯瓶口上重湯蒸頓成膏復瀝
淨滴入水中沉下成珠可丸爲度待數日出
火毒再熔化入末和勻杵搗爲丸錠陰乾金
銀箔爲衣每以少許新汲水浸化開鴨毛蘸
點眼大背內又可以熱水泡化洗眼藥水冷

又煖洗日洗伍柒次日點拾餘次大效

熊膽膏錠 治風熱上攻眼目昏花眵多眵淚

眵燥緊澀痒極難忍努肉攀睛沙澀難開翳
膜覆瞳目眵歲久赤爛俗呼爲赤瞎是也當
以稜針刺目眵外以瀉濕熱如倒睫拳毛乃
內驗眼皮緊當攀出內驗向外以稜針刺出
血以瀉伏火使眼皮緩則毛立出翳膜亦退
一切目疾悉皆治之

爐甘石

陸兩

黃丹

參兩

黃連

壹兩

當歸

朱砂

硼砂各貳錢

白丁香

海螵蛸

白礬生

輕粉各壹錢

乳香

沒藥

熊膽

麝香各伍分

片腦壹錢臨時加入

右除腦麝餘各另製細末秤合和勻入黃連末當歸末水調勻綿絹濾淨去滓入朱礪至千萬餘下曬乾入麝香礪極嫩羅過次入片腦礪勻復羅却入後膏成劑

黃連半斤

龍膽草

防風

當歸

生地黄各貳兩

訶子剝殼去核研末

蕤仁貳錢半

鵝梨肆箇取汁

猪胰子貳箇同前製入

冬蜜貳兩同前製煉

右黃連下玖味洗淨剉碎以井水浸於銅器內或磁器內春伍夏貳秋參冬柒日濾去滓以滓復煎叁肆次取盡藥力以熟密絹開綿紙在上濾過澄清去砂土慢火煎熬槐桑柳枝各肆拾玖條長壹尺攪不住手互換攪盡枝條待如飴糖相類入蜜和勻磁碗盛放湯

夕布 類之七 百九

瓶口上蒸頓成膏復濾淨滴入水中沉下成
珠可丸為度待數日出火毒再熔化入末和
勻杵為丸錠陰乾金銀箔為衣每以少許并
水化開鴨毛蘸點眼又以熱湯泡化洗眼
開明膏 治眼自昏花視物不明或生雲翳白
膜內外障眼風赤冷淚一切眼疾

黃丹 貳兩 青鹽 伍錢 海螵蛸 飛

朱砂 各壹 硃砂 錢半 訶子 貳枚去

冬蜜 肆兩熬一大沸 槐柳枝 各肆拾
去沫取淨者

右將蜜煉沸濾過磁器盛放湯瓶口上入甘
石黃丹訶子蒸熬紫色重湯頓成膏槐柳枝
一順攪不住手互換攪令條盡滴水不散
為度再又濾淨入後膏和劑

黃連 研末貳兩 槐柳枝 各伍
羅過細

右入水貳大椀熬壹椀濾去滓以淨汁再熬
稀稠得所入蜜藥和勻磁器盛頓湯瓶口上
重湯成膏放在地上數日出火毒次入前藥
末攪勻點眼昔人曾以此藥救人大効

小治 類之七 百九

消翳復明膏 治眼目昏花翳膜遮睛內外障

眼一切眼疾

黃丹 壹兩

青鹽 貳錢

海螵蛸

真珠 各柒分半

熊膽

麝香 各貳分

片腦 伍分

訶子 貳枚

槐柳枝 各肆拾

冬蜜 熬壹沸去白沫濾淨肆兩

右將蜜和黃丹煉至紫色旋下餘藥熬至滴

水沉下成珠為度除腦麝成膏後入

黃連 貳兩

防風

當歸

龍膽草

生地黄 各伍錢

木賊

白菊花 各貳錢

蕤仁 壹錢

杏仁 伍分

右如前煎熬成膏入蜜和勻磁碗盛放湯瓶

口上蒸頓成膏濾淨入腦麝和勻點眼又以

熱湯泡化洗眼

爐甘石膏 治眼目昏花視物不明

爐甘石

代赭石

黃丹 各壹兩

冬蜜 捌兩

訶子 貳枚

槐柳枝 各肆拾

右為細末入黃連水再碼至千萬餘下却以

小治 頁五十一 百九十三

夕
類
身

蜜煉去白沫入末同熬成膏柳條攪不住手
濾淨入後膏子和劑

再以黃連研末入水於銅鍋煎熬成膏濾去

滓取淨入前蜜藥磁碗盛放湯瓶口上蒸頓

成膏槐柳枝一順攪不住手互換枝條攪盡

濾淨出火毒點眼又以熱湯泡化洗眼

夜光膏 治赤眼翳膜昏花餘證同上

黃丹 肆兩 爐甘石 貳兩 青鹽 陸錢

鵝梨 拾枚 冬蜜 壹斤 煉

右將丹石礪細末以青鹽另礪末却將鵝梨
汁和蜜熬稀稠入甘石黃丹煉紫色次入青
鹽熬勻槐柳枝攪不住手入後膏和劑

黃連 捌兩 當歸 貳兩 訶子 四枚 去核研末

猪胰子 貳箇 如前搓洗

右各洗淨碎剉水浸叁伍宿濾去滓以滓復
煎取盡藥力以熟絹綿紙濾淨澄去沙土慢
火煎熬以槐柳枝各肆拾玖條一順攪不住
手待如飴餠相類濾淨入前蜜藥磁器盛放

小
類
身

湯瓶口上重湯頓成膏候出火毒每以少許
點眼大背以熱湯泡化洗眼凡修合眼藥宜
臘月妙正月十
一月次之
餘月不宜

黃連膏 治目中赤脉如火溜熱久入餘同上

黃連 捌兩 片腦 壹錢

右以黃連去蘆刮去黑皮洗淨剉碎以水參
大碗貯於銅鍋內煎或以磁器內煎用文武
火熬減大半碗濾去渣以渣復煎濾淨澄清
入薄磁器盛放湯瓶口上重湯蒸頓成膏熬

熔再復濾淨待數日出火毒臨時旋加片腦
以壹錢為率用則酌量加之以少許點眼太
背內又方加熊膽蚌蛇膽各少許更妙

又方

黃連 捌兩 杏仁 菊花

梔子 黃芩 黃檗

龍膽草 防風 當歸

赤芍藥 生地黄 各壹兩

右以水煎濃汁去滓再煎濾淨碗盛放湯瓶

口上重湯蒸頓成膏滴入水中可丸為度以
陽丹收為丸臨用加片腦少許研和以井水
化開鴨毛蘸點眼

又方

黃連

雞栢根

各多用地薄荷

田茶菊

嫩相葉

苦花子

苦參根

地胡椒

七層樓

地芫荽

千里光

即黃蛇草各等分

右以水煎去滓濾淨復煎候汁如稀飴樣入

冬蜜相停卽以碗盛放湯瓶口上重湯蒸頓
成膏入陽丹壹兩和勻更入朱砂礬砂各壹
錢片腦麝香各壹分為妙

日精月華光明膏 治翳膜努肉諸般眼疾大

効

爐甘石

黃丹 各捌兩

菘豆粉 炒黑肆兩

黃連 壹兩

當歸

朱砂

礬砂

玄明粉

決明粉 各貳錢

輕粉

白礬 生

白丁香

小治

類考

有七

海螵蛸

自然銅

礞砂各壹錢

熊膽

乳香

沒藥

鷹條

雄黃

青鹽

膽礬

銅青

牙硝

山猪膽各貳分半

麝香伍分

片腦壹錢

樟腦半錢

又方有貝子煨

貝齒石燕石鱗

水晶真珠瑪瑙琥珀珊瑚

各壹錢 若加此

味要去菜豆粉不用有豆粉即半真半偽

右各另製細末依方秤合和勻礞至千萬餘

下熟絹羅過入後膏子成劑

雞栢根壹斤

黃連半斤

龍膽草

黃檗

生地黄

苦參各貳兩

大黃

黃芩

梔子

赤芍藥

防風

菊花

玄參

當歸各壹兩

羌活

木賊

蒺藜

連翹

蔓荊子

細辛

川芎

白芷各伍錢

夜明沙

蛇蛻

蠅蛻各貳錢半又方福建地有後拾壹味草藥在內用之効速他處無此草藥不用亦効

苦花子

地薄荷

地西瓜

田茶菊

七層樓

千里光

鐵梗子

地園荑

地胡椒

蛇不見

水楊梅根皮

以上各生採各壹握搗爛另煎

取濃汁入煎藥同煎成膏

冬蜜半斤

右各洗淨剉碎入井水於銅器內浸三宿慢火煎熬濃汁濾去滓以滓再煎再濾慢火煎

熬槐柳桑枝攪熬如飴糖入蜜和勻更入羯

羊膽雄猪膽各貳枚和勻磁碗頓放湯瓶口

上蒸成膏復濾淨滴沉水中成珠可丸為度

待數日出火毒再熔化入諸藥末和勻杵為

丸錠陰乾用金銀箔為衣每以少許井水化

開鴨毛蘸點眼又以熱湯泡化洗眼大有神

効

碧玉散 治眼睛腫脹紅赤昏暗羞明怕日癢

澀難開疼痛風痒頭重鼻塞腦鼻痠疼翳膜

十台

類方七

百六

努肉眇淚稠粘拳毛倒睫一切眼證

躑躅花 腦荷 羌活

川芎 細辛 防風

荆芥 蔓荆子 白芷 各壹錢

風化硝 石膏 煨 青黛

黃連 各叁錢 鷺不食草 叁兩

右為細末吹鼻中壹日吹貳次

乳香散 治內外障眼攀睛瘀肉倒睫拳毛翳

膜遮睛一切目疾

防風 荆芥 川芎 白芷

細辛 藁本 羌活 白菊花

石菖蒲 天麻 蔓荆子 瓜蒂

赤小豆 漢防已 兔絲子 穀精草

自然銅 製 鬱金 當歸 石膏 煨

乳香 沒藥 雄黃 蛇蛻 炒焦

蟬蛻 炒焦 穿山甲 燒 鷄子蛇 燒 腦荷 各伍分

麝香 片腦 各半分

右為細末每用少許吹鼻中

吹雲膏 治視物睛困無力隱澀難開睡覺多
眵目中淚下及迎風寒泣羞明怕日常欲閉
自喜在暗室塞其戶牖翳膜遮睛此藥多點
神效

黃連 叁錢 蕤仁 各叁分 升麻 各叁分

青皮 壹錢 連翹 壹分 防風 各肆分

生地黄 半壹錢 細辛 壹分 柴胡 伍分

當歸身 壹錢 生甘草 各陸分 荆芥穗 壹錢 取濃汁

右剉除連翹外用淨水貳碗先熬諸藥去平

碗入連翹熬至壹大盞去滓入銀盞內文武
火熬至滴入水成珠加熟蜜少許熬勻點之
金露膏 除昏退翳截赤定疼

蕤仁 搥碎 黃丹 各壹兩 黃連 半兩

蜜 陸兩

右先將黃丹炒令紫色入蜜攪勻下長流水
昇升以嫩柳枝伍柴壹把定攪之次下蕤
仁候滾拾數沸又下黃連用柳枝不在手攪
熬至升柒捌合眾籬內傾藥在紙上慢慢滴

治 類考 百九

之勿令塵汚如有瘀肉加硃砂末壹錢上火
上慢開入前膏子內用

龍木論云患傷寒熱病後切不可
點恐損眼也斯言可以為藥禁云

寶鑑春雪膏 治風熱上攻眼目昏暗痒痛隱

澀難開多眵淚羞明疼痛或生翳膜

黃連 肆兩剉用童便貳升浸壹
宿去黃連以汁焙甘草

南爐甘石 拾貳兩煨用
黃連汁滓

硃砂 壹錢細研水調在
蓋內頓乾為度

乳香 烏賊骨 燒存性 當歸 各叁錢

好黃丹 陸兩
水飛

白丁香 錢半 麝香 輕粉 各少許

右各研另貯先用好蜜壹斤肆兩煉去蠟却

下甘石末不在手攪次下丹次下諸藥末不

在手攪至紫色不粘手為度搓作挺子每

用壹粒新水磨化時時點之忌酒濕麪蕎麥

點眼金絲膏 治男婦目疾遠年近日翳膜遮

睛拳毛倒睫黑花爛弦迎風冷淚及赤眼腫

痛努肉攀睛

硃砂 研 晉礬 研 青鹽 研 乳香 研 好者
細研

片腦研各當歸洗淨黃丹研各黃連壹兩

右用好蜜肆兩除片腦外和柒味內入青篋竹筒內油單紙裹筒口伍柒重緊繫定入湯瓶中文武火煮壹週時取出劈破新綿濾去藥滓方下片腦和勻磁瓶收貯再用油單紙伍柒重封繫瓶口埋露地內去火毒候半月取出每用粟米大點眼

龍腦膏 治遠年近日翳膜遮障攀睛瘀血連眦赤爛視物昏暗隱澀多淚迎風難開

爐甘石 不以多少揀粉紅梅花色佳用甘鍋子盛煨柒次入黃連水淬柒次

黃連 不以多少搥碎水浸一宿去滓將煨紅爐甘石淬柒次同黃連水細研飛

過候澄下上去上面水暴乾再用乳鉢研極細羅過用叁錢

龍膽草 不以多少洗淨日乾

桑柴皮 羅過黃丹 羅過

右同白蜜肆兩壹處入在黑磁器內文武火慢熬以竹篋子攪如漆色不粘手為度切勿犯生水仍不用鐵器熬藥藥成依舊以磁器盛頓每用如阜子大新冷水半盞化開先三

日不用每白洗數次無妨藥盍須用紙蓋不
可犯塵灰截赤眼極効

散血膏 治赤腫不能開睛痛熱淚如雨

紫金皮 白芷 大黃

薑黃 南星 大柏皮

赤小豆 寒水石

右為細末生地黄汁調成膏敷眼四圍

又方用生田螺肉生地黄同真黄土研爛貼太

陽穴 又方用黃丹蜂蜜調貼太陽穴立効

又方用 南星 地黄 赤小豆

右研爛貼太陽穴

清涼膏

生南星 薄荷葉 荆芥

百藥煎 各參錢

右為末井水調成膏貼眼角上自然清涼

洗眼方 治昏膜止疼去風

秦皮 杏仁 黃連

甘草 防風 當歸鬚 各等分

滑石 少許

右為末水壹盞煎至半盞去滓時時帶温洗

又方

銅綠 半斤

爐甘石 壹斤

黃連

黃芩

黃礬

參味各等分

右將前貳味同碾細末羅過將後參味濃煎調末為丸臨時用將冷水浸開洗之

雜病證治類方第七冊

